

16

12. febr.

## AUGLÝSING

um breyting á reglugerð um skipun slökkviliðs og brunamála í Akureyrar-  
kaupstað, nr. 101 10. september 1934.

Í stað orðanna „fjórum sinnum á ári“, í upphafi 18. gr. reglugerðarinnar, komi:  
þrisvar sinnum á ári.

Reglugerðarbreyting þessi staðfestist hér með samkvæmt lögum nr. 85 22.  
nóvember 1907, til þess að öðlast þegar gildi og birtist til eftirbreytni öllum þeim,  
sem hlut eiga að máli.

*Atvinnu- og samgöngumálaráðuneytið, 12. febrúar 1942.*

Jakob Möller.

*Páll Pálmason.*

17

16. febr.

## GJALDSKRÁ

um greiðslu fyrir aukaverk sóknarpresta.

1. gr.

Aukaverk sóknarpresta eru hin sömu, er tíðkamt hafa samkvæmt fyrirmælum  
laga og venjum þjóðkirkjunnar.

2. gr.

Fyrir aukaverk ber prestum greiðsla eins og hér segir:

a. Fyrir skráningu nafns barna í ministerialbók .....	kr. 10.00
b. — fermingu ásamt undirbúningi .....	— 30.00
c. — hjónavígslu .....	— 20.00
d. — greftrun (líksöngseyrir) .....	— 15.00
e. — endurskoðun kirkjureiknings .....	— 5.00
f. — vottorð, sem prestur gefur í embættisnafni .....	— 2.00

Þó skulu vottorð, er prestur gefur vegna meðlagsgreiðslu barna, fjárhagsvottorð  
fátækra manna, svo og vottorð samkvæmt beiðni sveitarstjórna, eða annarra stjórn-  
arvalda, veitt ókeypis.

3. gr.

Nú flytur prestur ræðu við jarðarför eða hjónavígslu, og ber honum þá sér-  
stök greiðsla fyrir það eftir ástæðum hlutaðeiganda, eins og tíðkamt hefur.

4. gr.

Sá skal greiða, er verk er unnið fyrir. Sveitarstjórn greiðir fyrir styrkþega.

5. gr.

Skylt er að veita presti fylgd honum að kostnaðarlausu, er hans er vitjað til  
aukaverka, og greiða fararkostnað hans, ef nota þarf bát eða bifreið.

6. gr.

Um fararþéna handa presti, er á yfir sjó að sækja til aukaverka, svo og þegar  
hans er vitjað til sjúkra, fer eftir tilskipun frá 27. janúar 1847.

7. gr.

17

Gjaldskrá þessi, sem er sett samkvæmt lögum nr. 36 frá 1931, og gildir til 31. des. 1951, birtist til leiðbeiningar öllum, sem hlut eiga að máli. 16. febr.

*Í dóms- og kirkjumálaráðuneytinu, 16. febrúar 1942.*

**Hermann Jónasson.**

*Gústav A. Jónasson.*

## AUGLÝSING

18

20. febr.

um viðauka við hafnarreglugerð fyrir Skagastrandarkauptún,  
nr. 77 1. ágúst 1936.

Á eftir 27. gr. hafnarreglugerðarinnar komi bráðabirgðaákvæði, svo hljóðandi:

**Bráðabirgðaákvæði.**

Öll gjöld samkvæmt ákvæðum 16. gr. hafnarreglugerðarinnar skulu frá og með 1. marz 1942 innheimtast með 50% hækkun.

Reglugerðarviðauki þessi staðfestist hér með samkvæmt lögum nr. 21 14. júní 1929 og birtist til eftirbreytni öllum þeim, sem hlut eiga að máli.

*Atvinnu- og samgöngumálaráðuneytið, 20. febrúar 1942.*

F. h. r.

**Vigfús Einarsson.**

*Páll Pálmason.*

Staðfesting ríkisstjóra á skipulagsskrá fyrir Þrastasjóð, útgefin á venjulegan hátt að mandatum af dóms- og kirkjumálaráðherra 21. febrúar 1942. 19  
21. febr.

Skipulagsskráin er þannig:

## SKIPULAGSSKRÁ

fyrir Þrastasjóð.

1. gr.

Sjóðurinn nefnist Þrastasjóður.

2. gr.

Sjóðurinn er stofnaður af okkur undirrituðum hjónum, organista Friðriki Bjarnasyni og eiginkonu hans, Guðlaugu Pétursdóttur, til heimilis á Hverfisgötu nr. 52 í Hafnarfirði, með 1000 — eitt þúsund — króna gjöf okkar til handa karla- kórnum Þrestir í Hafnarfirði, samkvæmt gjafabréfi, dags. 9. þ. m., með þeim skil- yrðum, er hér á eftir greinir: